

一事君之道常人不省其可務之本如何而徒為尋常之務恹恹而止耳

一君喜則進君怒則退唯移心於人主喜怒之間而不見所以立其志

一自己身命既獻人主然徒為自家之物事而事君或有所自愛好或有所自嫌惡

一人主若附囑以細小之器物則日夜專心守之於其居官職受封祿之大則以身命為我有而不專心守之以正

一人主所附囑之物品或其所珍藏或其所屢用

一則謹之及麤細之物則不謹之是唯以物之精麤為心而以君命不為心也

一已心所守不正則唯以眼前之進退毀譽為務而至奉上之忠勤事之本則不辨之

一常人之居官職已之所好則喜之故其勤太精已之所不好則不喜之故其勤太疎

一常人與其朋友私語則或嘲人主之過惡至人主問明友之過惡則隱之不言矣

一人主之洪恩則輕之朋友之小惠則重之凶惡之人遂忘此洪恩貴彼小惠以用友代人主而

自以為義嗚呼悲夫

一常人多憚朋友權勢之心折事君之志乃不忠之甚者也

一不肖之人與朋友私語人主之非而自謂以其不善為患是嘲上者也何益於人主乎唯以矜己之邪智然矣若欲格人主之非則致誠覃思伺其便宜而密納諫可也凡人為其君捨身命者間在焉忘身命者鮮矣乃不忘之則豈謂忠臣之本志乎

一觸人主之怒者不自悔以慎已改過為念而唯

欲掩藏其非耳

一凡人教戒新戚朋友以事君之務者若言為人主而好者則為其人亦好矣然教之以為其人而好者故為其人不好矣

一人多及在已上之官在已下之職則著心欲慮其務計其事至已之可務者則忽諸
一人主洪恩其类多者感佩太淺其类少惑已獨承之者感佩太深何則以屬心於他故然矣
一凡人可耻者則不耻不可耻者則耻之人主不用則耻之因其不用生恨恚之心則不耻之衣

食居處各隨分而處則耻之飾外為奢則不耻
之
一有一候伯使衛士四人守門一日犯罪者過門
不禁之其主糾責衛士皆自陳罪曰一人讀書
一人習射二人圍棋故不知之想是其所為者
雖有美惡而不勤可守之道則皆同矣
一常人莊言貌飾才智乃雖美外而其處事太危
唯不超生質之分而無莊飾則人主用矣之所
見便是其實故不危矣若色莊鄉愿居非分之
官職則必至謬世危身凡愚不肖之人從眼前

之美利而不辨己身之有害可以嘆之
一或問余曰有吾友戒我者謂奉公精勤勿抱危
憚之心而為自保之計唯可純一而踏入於可
務之路矣我事斯語常勤之而未得踏入之路
為之何如余荅曰若尋其道則雖終身勤求之
然遂不可得之唯能踏入無路之地而損体傷
足亦可也乎
一凡事君者皆重祿感恩而奉公以勤者多不可
謂真忠乎是故或違命犯怒所黜所疏則恨恚
即生豈謂致忠之誠乎唯以純一愛君之心而

勤之可也

一 凡事君願從人主之心者皆同矣然不知人主之所好而唯以所願之私欲送歲月而已

一 余見古今忠良之臣者或臨患難而委身致死或納直諫亂官祿而自以為潔乃是而已余想為君自不顧後世之嘲而或臨難遁之地能惜生苟適或自請官祿而不為污辱若斯而為益君之事者鮮矣若以為君捨身命亂官祿為義則又為君惜身命請官祿亦豈不為義乎無佗唯從我私心而求名故以彼為義以此為不義

耳如大公無私則豈有彼此之違乎

右數條其取捨在子之所取耳凡人皆其本心之誠則固有之乃以為私欲所蔽故心與行為二矣萬殊無窮其本一理其間不容一毫之私則心與行為一矣然則奉公之務事皆不求而中不勞而安每其所務能適人主之心而其榮福自至耳若欲知其私之所存則自可問我天君天君是我明徵之人也問此明徵則豈不知之乎子平日好讀聖賢之書余蒙昧而不知道孤陋寡聞恐不有子

之所取者矣然所思不言則不愜心故為子
言之余觀古人之言至理明備但聖人能知
時又隨人之氣質而教之隨其所問而答之
後賢編其言以成其書今學者讀其書而必
先好為人師不知其時且不辨問者之氣質
唯混然講說故受教者徒從己性之所好而
言之行之故讀書之人却多不善之人乃讀
書何益矣凡古聖賢之言讀之者非每人可
悉用之顧夫為學者如喫飯而可乎余見世
間之學者以聖賢之言如扶杖然其飯則自然

而為人力之健者也杖則倚賴而為人力之
助者也子能知食与杖之辨則有小補乎字
其念茲
天和壬戌
不矜子識

勸忠書跋

天之生斯人而賦斯理也彛倫之道無不具焉
彛倫之最重者在國則有忠在家則有孝乃有
大上之恩而父母之養亦有之故特所重者忠
也忠不可不尽之非至誠純一則何以謂盡之

耶能至誠純一者生質之美或有之矣好學之
人或有之矣生質之美者無以尚之然太鮮矣
好學之人者必讀聖人之書必學聖人之道然
知聖人之志而行之者又太鮮矣何則聖人能
知其時而行之能知其處而居之能知其人而
教之自古讀書學道而其所行所居所教各不
違聖人志者幾人乎况生我本朝讀書學道
者乎去聖人之世殆幾千年矣隔聖人之國殆
幾千里矣學者不能離經辨志不能知美通達
徒然拘拘欲以斯世如聖人之世欲以斯國如

聖人之國世殊人異國殊俗異而強欲同之豈
能易得耶乃不辨時与處而然矣所自行者如
此教人者亦如此必欲使人人同乃非不知人
而何欲於是欲知聖人之志然不可得矣欲能
至誠純一亦不可得矣凡生質之美而至誠純
一者於事君致忠自然而不乖其義然或有不
知而違理者乎固美矣未盡善也好學之人而
至誠純一者能知聖人之志能隨時而行之能
隨處而居之則於事君致忠不乖其義不違其
理盡美矣又盡善也乎 元老明發紀公乃其

人也生質之美則有矣其好學者亦有之頃日
紀公作勸忠書而自勸戒之且又以為人之勸
戒別以俗字書之欲不文者能解之節讀之喟
然而嘆曰凡讀書學道者何為乎乃欲如此也
能如此則於事君何在矣事君而能如此則孝
弟之道亦存矣宜乎紀公奉上之誠至矣
矣若使世人能如此則可以移風可以易俗唯
恐讀者以其近而忽之也節不可無言之於是
乎謹書其後云
天和癸亥夏四月
鶴山野節識

日光山御名代參詣日録

古河拾遺紀正俊

延寶辛酉六月三日

將軍家依御除服被參詣紅葉山

東照宮此時御先立之役被命正俊還御之後

召正俊有日光山

東照宮為御名代可參詣之仰蒙山中可乘御

轅之御許即於

御前賜暑衣單服二十領鞍置御馬一匹

御馬栗

鹽竈之產也故号鹽竈御鞍者古之名工貞誠
所藏也有黃金二十枚之折紙御證者傳稱賴